

MEŠIHAT ISLAMSKJE ZAJEDNICE U SRBIJI
ISLAMSKA ZAJEDNICE U BOSNI I HERCEGOVINI - VAKUFŠKA DIREKCIJA
MEDŽLIS ISLAMSKJE ZAJEDNICE PRIJEPOLJE

MEĐUNARODNA NAUČNA KONFERENCIJA
„VAKUFI SANDŽAKA I POLIMLJA OD 1945. DO 2026. GODINE“

POZIV ZA UČEŠĆE NA MEĐUNARODNOJ NAUČNOJ KONFERENCIJI

Poštovani,

Sa posebnim zadovoljstvom upućujemo Vam poziv za učešće na međunarodnoj naučnoj konferenciji pod nazivom „**Vakufi Sandžaka i Polimlja od 1945. do 2026. godine**“, posvećenoj proučavanju historijskog razvoja, pravnog statusa, društvenog značaja i savremenog položaja vakufa na prostoru Sandžaka i Polimlja u periodu od završetka Drugog svjetskog rata do danas.

Vakufi predstavljaju jednu od važnih institucija islamske civilizacije i višestoljetni oblik organizovanog dobročinstva, čiji su tragovi duboko ukorijenjeni u historiji našeg naroda samim tim i Sandžaka i Polimlja. Vjerski, obrazovni, kulturni, socijalni i ekonomski život muslimanskog stanovništva ovog prostora u značajnoj je mjeri bio povezan sa vakufskom imovinom i institucijama koje su kroz različite historijske periode imale važnu ulogu u očuvanju vjerskog i društvenog identiteta zajednice.

Posebno složen period u historiji vakufa nastupa nakon 1945. godine, kada dolazi do dubokih političkih, društvenih i pravnih promjena koje su neposredno uticale na status vakufske imovine. Procesi nacionalizacije, agrarne reforme, eksproprijacije, konfiskacije i drugih oblika oduzimanja imovine značajno su promijenili strukturu i obim vakufskog fonda, kao i način njegovog upravljanja.

Savremeni period otvorio je nova pitanja u vezi sa pravnim statusom vakufske imovine, restitucijom, obnovom i zaštitom vakufa, kao i ulogom institucija u očuvanju i revitalizaciji vakufske baštine.

Cilj konferencije jeste da, kroz interdisciplinarni i naučni dijalog, objedini dosadašnja saznanja i otvori prostor za nova istraživanja o vakufima Sandžaka i Polimlja, njihovom historijskom razvoju, pravnom položaju i društvenom značaju.

TEMATSKE OBLASTI KONFERENCIJE

1. Historijski razvoj vakufa Sandžaka i Polimlja od 1945-2026.
2. Pravni status vakufa u periodu socijalističke Jugoslavije (Nacionalizacija, agrarna reforma, eksproprijacija i drugi oblici oduzimanja vakufske imovine na području Sandžaka i Polimlja)
3. Vakufi i promjene društveno-političkog sistema nakon 1990. godine
4. Restitucija i povrat vakufske imovine
5. Pravni i institucionalni aspekti zaštite vakufa
6. Vakufske zadužbine, džamije, medrese, mezarja i druga vakufska dobra na području Sandžaka i Polimlja.
7. Uloga vakufa u obrazovanju, kulturi i socijalnoj zaštiti (Vakufi kao faktor očuvanja identiteta muslimana Sandžaka i Polimlja)
8. Savremeno upravljanje i revitalizacija vakufske imovine
9. Dokumentacija, arhivska građa i katastarski izvori o vakufima u Sandzaku i Polimlju.
10. Komparativna istraživanja vakufa na Balkanu

Kao i druge teme koje su imaju veze sa naslovom konferencije

Ovaj poziv upućen je instituciji koju predstavljate, da uzme učešće u radu Međunarodne naučne konferencije, bilo kroz nominovanje svojih predstavnika i istraživača za učešće i izlaganje, bilo kroz dostavljanje naučnih i stručnih radova iz oblasti koje su predmet konferencije.

Vjerujemo da će učešće institucije koju predstavljate dati značajan doprinos naučnom i stručnom dijalogu o historiji, pravnom položaju i savremenom značaju vakufa Sandžaka i Polimlja, te doprinijeti povezivanju istraživača i institucija koje se bave proučavanjem vakufske baštine.

Molimo vas da ovaj poziv prosljedite zainteresovanim istraživačima, naučnim radnicima i stručnjacima iz Vaše institucije i da, u skladu sa svojim mogućnostima, podržite njihovo učešće na konferenciji. Vrijeme održavanja konferencije je decembar mjesec 2026. godine u Prijepolju.

Radujemo se Vašem učešću i doprinosu radu konferencije, uz izraze našeg posebnog poštovanja i uvažavanja.

POZIV AUTORIMA I IZLAGAČIMA

Pozivaju se historičari, pravnici, teolozi, orijentalisti, sociolozi, arhivisti, istoričari umjetnosti, ekonomisti, istraživači vakufa, predstavnici islamskih zajednica, univerzitetski profesori, naučni saradnici, doktorandi, slobodni istraživači i drugi stručnjaci zainteresovani za ovu oblast da svojim učešćem doprinesu uspjehu konferencije.

Posebno ohrabrujemo autore da svoja istraživanja zasnivaju na arhivskoj građi, vakufnamama, katastarskim zapisima, sudskim i administrativnim dokumentima, relevantnoj literaturi, usmenim svjedočenjima i drugim primarnim izvorima, kako bi se što potpunije dokumentovala historija vakufa na prostoru Sandžaka i Polimlja.

Prijavu teme i rada potrebno je uraditi do 1.10.2026. godine a referate za izlaganje potrebno je poslati najkasnije do 20. novembra 2026. godine.. Konačnu verziju rada namijenjenu za objavljivanje u zborniku potrebno je dostaviti najkasnije do 31. decembra 2026. godine.

Radovi trebaju biti napisani u programu Microsoft Word, fontom Times New Roman, veličine 12 pt, sa proredom 1,5 i obima od najmanje 6 stranica formata A4.

Radovi mogu biti napisani na bosanskom, srpskom, crnogorskom, hrvatskom, turskom, engleskom i drugim jezicima, uz odgovarajući sažetak.

PODACI ZA PRIJAVU

1. Naslov rada
2. Ime i prezime autora
3. Akademsko zvanje i institucija
4. Sažetak rada
5. Ključne riječi
6. Kontakt podaci (e-mail, broj telefona)

Prijave slati na e mail : medzisprijepolje93@gmail.com ili na vakuf.bih@bih.net.ba

OBJAVLJIVANJE RADOVA

Odabrani radovi, nakon stručne i naučne recenzije, bit će objavljeni u zborniku radova međunarodne naučne konferencije. Organizatori zadržavaju pravo da, u skladu sa utvrđenim naučnim kriterijima i uredničkom politikom zbornika, izvrše izbor radova za objavljivanje.

CILJ KONFERENCIJE

Krajnji cilj konferencije jeste formiranje sveobuhvatne naučne platforme (baze) za proučavanje vakufa Sandžaka i Polimlja u periodu 1945–2026. godine, podsticanje novih istraživanja i saradnje među naučnim institucijama i istraživačima, kao i sistematizacija dostupne arhivske i druge relevantne građe o vakufskoj baštini ovog prostora.

Uvjereni smo da će Vaše učešće, naučni doprinos i iskustvo značajno obogatiti konferenciju i doprinijeti boljem razumijevanju historije i savremenog položaja vakufa Sandžaka i Polimlja.

Sa poštovanjem,

U Prijepolju

Organizacioni odbor konferencije

21.08.2026. godine.